

Láhka

guollebivddu birra Deanu čázádagas Norggain dahkkon soahpamuša láhkaásahansuorgái gullevaš mearrádusaid fápmuibidjamis ja heiveheamis addojuvvon lága 8 ja 10 §:a rievdadeamis

Riikkabeivviid mearrádusa mielde
rievdaduvvojit bivddu birra Deanu čázádagas Norggain dahkkon soahpamuša láhkaásahansuorgái gullevaš mearrádusaid fápmuibidjan- ja heivehanlága (176/2017) 8 §:a 3 ja 5 momeanta sihke 10 §:a 2 momeanta ja
lasihuvvo 10 §.ii ođđa 3 ja 4 momeanta čuovvovaččat:

8 §

Bivdolobiid vuovdima lágideapmi

Bálvalusbuvttadeaddji galgá leat luohtehahti ja áššedovdi. Bálvalusbuvttadeaddjis galget leat dán barggu dikšuma várás tehnikkalaš, ruđalaš ja doaimmalaš gearggusvuodát. Lohpevuovdima lágideaddji galgá dahkat čálalaš soahpamuša bálvalusbuvttadeaddjiin dása gullevaš barggu sisdoalus, lohpevuovdima ruhtageavahančilgehusas ja dán barggu dikšuma dáfus eará dárbbaslaš áššiin sihke dan heivvolaš mávssus, mii berrojuvvo doaimma máksimis ja man máksá lohpeoasti. Govttolaš máksun gehččojuvvo eanemustá vihtta proseantta lobi hattis ja vuollel 60 euro lobi oasil goittotge uhcimustá golbma euro lohpejándoris.

Lohpevuovdimis vástideaddji ja bálvalusbuvttadeaddji leat geatnegahtton lágideaddji guolásteaddji vejolašvuoda beassat elektrovnnalaš sálašregistarii, vai sáhtá dahkat sálašalmuhangeatnegasvuoda. Ovdalis máinnašuvvon bealit galget doaimmahit lobi oastán olbmuid namma- ja oktavuodadieđuid sálašregistara doaibmaválddalaš registeradoallái jahkásaččat guolástanbaji čuovvu čakčamánu lohpa rádjai. Dat mii dán momeanttas ásaheavvu guoská maiddái eará guolástanlobi luohpadan beali soahpamuša 2 artihkkala 2 čuoggas oaivvilduvvon Deanu čázádaga luossagoarggunuovllus.

10 §

Bivdolobiid hattit

Bivdonjuolggadusa 4 §:a 3 ja 4 čuoggas oaivvilduvvon bivdolobiid haddi vuodduuvvá heivvolaš haddái, man meroštallamis váldojuvvo vuhtii sullasaš bivdolobiid márkandilli. Hatti sáhtá mearridit earáláganin lohpeavádaga, lohpešlaja ja áigemeari vuodul. Lobi haddi lea:

- 1) fanasbivdolobis eanemustá 150 euro/bivdojándor;
- 2) gáddebivdolobis eanemustá 150 euro/bivdojándor; ja

3) Anárjoga Máhtegeavgná bajábealde ja Skiehččanjogas fatnasis ja gáttis bivddedettiin eanemustá 150 euro bivdojándoris.

Vuollet 18-jahkásaččaide sáhtta mieđihit 2 momeanttas oaivvilduvvon lobi vuolit hattiin dahje almmá mávssu.

Eana- ja meahccedoalloministeriija ásašusain addojuvvojit dárkilut njuolggadusat 2 momeanttas oaivvilduvvon guolástanlobiid hattiin. Eana- ja meahccedoalloministeriija ásašusain sáhtta addit dárkilut njuolggadusaid 3 momeanttas oaivvilduvvon lobiid mieđihaneavttuin.

Dát láhka bohtá fápmui cuoŋománu 23. beaivve 2018.

Helssegis cuoŋománu 20. beaivve 2018

Dásseválddi Presideanta

Sauli Niinistö

Eana- ja meahccedoalloministtar Jari Leppä